

Visa Electron pillugu siunnersuutit

Korti paareqqissaaruk

Korti katassimanginnerlugu akuttunngitsumik misissortaruk. Pas-itut, biilernermut allagartatut, napparsimalersinnaanermut sillimasiinermut allagartatut assigisaattullu inummut tunngalluinnartigaaq.

Pinkodit akuttunngitsumik atortaruk

Pinkodip allannissaa pisariaqartikkukku GrønlandsBANKEN-imi pinkodimut eqqaamaniutissamik aallersinnaavutit. Pinkode kortimut ilanngullugu tigumminngisaannarneqassaaq imaluunniit Visa Electron kortimut allanneqanngisaannassalluni.

Illit kisivit pinkode ilisimassavat

Pinkode elektroniskimik atsiorderivat. Qanorluunniit pisoqaraluarpat nunarsuarmiluunniit sumiikkaluaruit pinkodit inunmut allanut paasitinnngisaannassavat. Pinkode qarasaasiamut allanulluunniit nammineq kodiliiffissannut atunngisaannaruk. Aamma pinkode oqarasuaatip normuinut toortartakkanut assigisaannulluunniit toqqussanngilat.

Pinkode isertuullugu atoruk

Aningaasanik tiguisarfimmud terminalimulluunniit qanittunnguannorlutit nikorfagit pinkodillu toortarnerani assavit aappaanik kisitsisit assersimakkitt.

Akiligassap allagartaa atsioraangakku aningaasat katineri ullullu suuneranut immersuiffissat tamatigut misissortakkit

Ulloq aningaasallu amerlassusii eqqortuunersut misissukkit. Pisup kingornatigut aningaasat amerlineqarsinnaannginniassammata aningaasat qassiunerinik allassimaffiup siorna'tungaa kingorna'tungaa allaffigineqarsimangitsut titakkit krydsilikkilluunniit.

Pas-i eqqaamajuk

Nunani allani aningaaserivinni aningaasanik tiguisussaattillutit pas-ip nassartarnissaa tamatigut eqqaamasaruk.

Naatsorsuusiortarnissat eqqaamajuk

Akiligassat uppersaataasa assilineqarneri toqqukkit kontullu GrønlandsBANKEN'imit assilineqarnerata assigineeraat misissukkit. Allakkerivimmi akiliisimanermi, oqarasuaatikkut internettikkulluunniit pisereernermi korti atorsimagukku immikkut eqqumaffigilluarigit.

Kortip kajungerisaasartaa mianersuutigiuk

Kortimi titarneq kajungerisartalik kajungerisalinnut allanut qanippallaartumiikkuni kortip kajungerisartaa innarlerneqarsinnaavoq. Tassani taskini matuersaaserfiit kajungerisartallit atortullu elektroniskiusut ilaat assersuutaasinnaapput.

Kortip piffissamik qaangiinissaa alaatsinaaguk

Kortimik atuinissamut piffissaq qaangiussimappat korti atorniaraluarukku itigartinneqassaatit. Kortip atorneqarsinnaaneranut piffissaq qaangiutsinnagu nammineq isumagisumik (automatiskimik) korti taarserneqassaaq.

Nunani allaniitillutit Visa Electronimik ajornartorsiuteqaleruit GrønlandsBANKEN

attaveqarfigisinnaavat imaluunniit GrønlandsBANKEN'inip ammasarfiata avataatigut - PBS attaveqarfigiuk, +45 44 89 29 29.

Eqqaamasassaq pingaaruteqarluinnartoq

Kortit tamarpat tillinneqarpalluunniit imaluunniit tillinneqarpat, imaluunniit pinkodit allanit paasineqarsimasoq pasitsaakkukku imaluunniit kortivit normua allanit atorneqartoq pasitsaakkukku tamanna ingerlaannaq nalunaarutigissavat. Ingerlaannartumik GrønlandsBANKEN attaveqarfigiuk, telefon (xx) imaluunniit GrønlandsBANKEN'ip ammasarfiata avataatigut PBS ingerlaannartumik attaveqarfigissavat

telefon +45 44 89 29 29

telefax +45 44 68 11 36

Atit najukkallu, GrønlandsBANKEN-imi immikkoortortaqaarfippit taaguutaa kiisalu kortivit normua imaluunniit inuup normua ilisimatitsissutigissavatit. Taava kortit ingerlaannartumik matuneqassaaq atorneqarsinnaajunnaarlunilu.

Internet-imi erseqqinnerusumik paasisaqarit

Internet aqqutigalugu attaveqarfissat makku aqqutigalugit paasisaqarnerusinnaavutit:

www.crimprev.dk

www.pbs.dk

Visa Electronimik atuinnermut malittarisassat

GrønlandsBANKEN, Postboks 1033, 3900 Nuuk, Tlf. 70 1234, Mail: banken@banken.gl

1. Visa Electronimik atuisunut malittarisassat

Atuisunut malittarisassat makku Visa Electron-imik atuinissannut atuupput

2. Kortip atorsinnaaffii

GrønlandsBANKEN'imi konto-mut atatillugu kort-imi tunineqarsinnaavutit. Takuulli imm. 17.

Korti akiitsoqarfiusinnaasutut atuuppoq, uninngasuutinik nakkutiginniffeqartoq, aningaasanik tigusissutitut akiliissutitullu akorneqarsinnaasoq

2.1 Kortip aningaasanik tigusissutitut atornerqarnera

Visa Electron Danmarkimi ima atornerqarsinnaavoq:

- Aningaasanik tigusisarfinnit aningaaserivigisavit attaveqarfigisaannit aningaasanik tigusineq. Aningaasat ulloq unnuarlu tigusineqarsinnaasut amerlanerpaaffissai akit nalunaarsorfianni allassimavoq
- Aningaasanik tigusisarfinnit danskit aningaaseriviinut allanut attaveqartunit aningaasanik tigusineq. Aningaasat ulloq unnuarlu tigusineqarsinnaasut amerlanerpaaffissai akit nalunaarsorfianni allassimavoq
- Danskit aningaaseriviini amerlanerpaani karsimit aningaasanik tigusineq. Aningaaserivik aningaasanik tigusiffigisaq qanoq amerlatigisunik tigusisinnaaneq killilersinnaavaa.

Visa Electron nunani allani ima atornerqarsinnaavoq:

- Nunani allani aningaaseriviini, Visa Electron-imut attaveqartuni, aningaasanik tigusisarfiini nunap taassuma aningaasaanik tigusineq
- Nunani allani aningaaserivinni Visa Electron-imut attaveqartuni, karsimi aningaasanik tigusisarfinni aningaasanik tigusineq.

Nunat allamiut anigaasaannik tigusinnaasat amerlanerpaaffissaat akit nalunaarsorfianni takuneqarsinnaavoq, aamma tak. imm. 2.3. Nunami sumiiffiusumi killilersuineqarsinnaavoq, tamatumalu kingunerisinnaavaa aningaasanik tigusinermi akiliutit ikinnerpaaffissaat arlaleriartumik akilerneqartarsinnaallutik.

2.2 Pisiniarfinni pisineq

Pisiniarfinni Visa Electron-imut attaveqartuni nioqqutissanik pisinermi sullinneqarnernullu Visa Electron akiliutitut atorsinnaavat.

Pisiniarfimmi imaluunniit nittartakkami allagartaliinikkut takuneqarsinnaavoq pisiniarfiup Visa Elektron atorneraa. Pisiniarfiit Visa Electron-imut attaveqartut Visa Electron-ip ilisarnaataa takussutissaqartippaat.

Pisiniarfiit ataasiakkaat atuinissamut killissarititaasunik malittarisassaqarsinnaapput.

Akiliinissamut tiguisussat kortip akiliutitut atornissaa itigartitsissutigippassuk GrønlandsBANKEN'ip aamma PBS'ip akisussaaffiginngilaat.

Pisiniarfiit arlaata aningaasanik akiitsoqartikkunitit, pisiniarfiup kortit atorlugu aningaasat konto-nnut ikisinnaassavai.

Kortit inatsisinik unioqquitsinissamut siunertanut atussanngilat, soorlu nioqquitsat imaluunniit kiffartuussutit, sumiiffimmi inatsisit naapertorlugit inatsisinik unioqquitsineruusut.

2.3 Visa Electron-imik atuinermi amerlanerpaaffissat

Visa Electron-ip akiliinernut aamma aningaasanik tigusinernut ullormut atorneqarsinnaassusiani aningaasat amerlanerpaaffissaat aalajangerneqarsimavoq. Aningaasat amerlanerpaaffissaat akit nalunaarsorsimaffianni takuneqarsinnaavoq.

2.4 Visa Electron-ip nunani allani atornissaanut periarfissat pillugit paasissutissat Nuna assigiinngitsuni Visa Electronip atornissaanut periarfissat pillugit paasissutissat GrønlandsBANKEN'imi pissarsiarineqarsinnaapput.

2.5 Konto-nni aningaasanik ilanngaaneq

Aningaasanik atuisimaneq pillugu GrønlandsBANKEN nalunaarfigineqarniaruni aningaasat kontomit ilanngaatigineqarnissaat ingerlaannaq inniminnissavai. Taamaalilluni aningaasat inniminnerneqartut atorsinnaajunnaasavatit, aningaasat amerlassusii konto-miluunniit takuneqarsinnaagaluarpata.

Pisigisaanni aningaasanillu tiguisaanni aallaaviusarpoq ulloq taanna kontonni ilanngaatsittarneq. Aningaassalli kontonni ilanngaatigineqarnissaannut apeqqutaassaaq, nuussinerit pillugit GrønlandsBANKEN'ip qaqugukkut tiguisimassanera.

2.6 Atuinerni amerlanerpaaffissat

Aningaasanik tiguisinermi imaluunniit pisiniarmi taamaallaat kontonni uninngasuutigisat atorneqarsinnaapput, GrønlandsBANKEN allanik isumaqatigiissuteqarfigisimangikkukku. Aningaasat qulaani taaneqartutut inniminneerneqarsimasinnaapput.

Nunat allat aningaasaat atorlugit akiliinerni imaluunniit tiguisinerni, aningaasat amerlassusii danskit kroninngorlugit naatsorsorneqartarput, tak. akit nalunaarsorsimaffiat.

2.7. Piffissatigut killiliineq

Visa Electron kortit Danmarkip nalunaaqutaa malillugu arfininngornerup sapaatillu akornanni piffissami 04.00 – 06.00 akornanni atorsinnaanngilaq, GrønlandsBANKENip qarasaasiaqarfia teknikkikkut aserfallatsaaliorneqarmat. Killiliineq nunani allani kortip atorsinnaaneranut aamma atuuppoq. Danmarkip nunallu tikeraakkavit nalunaaqutaasa nikingassusiat eqqumaffigissavat.

3. Kortimik, PIN-kode-mik aamma Verified by Visa-p kodeanik toqqorsimatitsineq

3.1 Korti

Korti aamma PIN-kode ilinnut tunngasuupput illillu kisivit atorsinnaallugit. taamalereeruit kortip inniminnerneranut atatillugu atorsinnaangornissaanut normu pissarsiarisimasat atorlugu korti atorsinnaangortissavat. Korti allanut tunniutissanngilat imaluunniit tigummiartissanngilat. Korti isumannaatsumik toqqorsitissavat. Korti annaasimanginnera paasiniallugu akuttunngitsumik misissortaruk.

3.2 Pisinnaatitsissusiisarneq

Korti aamma PIN-kode ilinniinnaq atorineqarsinnaavoq.

18-it sinnerlugit ukioqaruit, inullu alla imminut akisussaasoq konto-nit korti atorlugu tigusinissaanut pisinnaatikkusukkukku, taassuma inuup nammineq kortini aamma nammineq pinkodeni nassartassavai. Inuup kortimik atuineranut malittarisassat ilinnut atuuttut assingi atorlugit pisassaaq.

Inuup konto-nnit tiguisarnera kissaatigiunnaarukku, pisinnaatitsissut taamaatinnera allakkatigut GrønlandsBANKEN'imut nalunaarutigineqassaaq, kortilu GrønlandsBANKEN'imut utertissavat.

3.3 PIN-kode

PIN-kode-mik kortinnut atasumik imminut isumagisumik nassinneqassaatit. PIN-kode tigugukku eqqumaffigissavat inuit allat kode pissarsiarisimassaneraat. Taamaassimassappat ingerlaannartumik GrønlandsBANKEN'imut saaffiginnissaatit.

PIN-kode alanngaarsinnaangorlugu ilinniassavat. Kode kortimut ilanngullugu tigummiassanngilat, imaluunniit kortimut allassanngilat. PIN-kode allanut paasitissanngilat imaluunniit allatut kode allanit paasitissanngilat.

Kode alanngaarlugu ilikkarsinnaangikkukku imaluunniit kode tigummiinnarusukkukku, kode isumannaatsumik toqqorsimassavat, orniginarnerussaarlugu PIN-kodemik eqqaamaniut kortimut ilanngullugu nassiussaq atorlugu imaluunniit GrønlandsBANKEN'imi piniarsinnaavat.

3.4 Verified by Visa kode

Verified by Visa tassaavoq internet-ikkut pisiniarnerni kortip paasissutissaanik atorerluinissamut immikkut illersuutaasoq. Verified by Visa atorlugu internet-ikkut pisinialinnginnermi imaluunniit pisiniarnermut siullermut atatillugu Verified by Visa kode-mik pilersitseqqaassaatit. Tamanna GrønlandsBANKEN'ip nittartagaatigut pisinnaavoq, imaluunniit Verified by Visa atorlugu pisiniaqqaarninnut atatillugu. Kode siunissami pisiniarfinni Verified by Visa-mik atuisuni pisiniarnerni atorineqartassaaq.

Verified by Visa kode'p ilisarnaatigissavai kisitsisit aamma naqinnerit akunneqanngitsut ikinnerpaamik arfiniliussat, kiisalu PIN-kode't Verified by Visa kode-p ilaatut atussanngilat.

Verified by Visa kode alanngaarsinnaangorlugu ilinniassavat. Kode alanngaarlugu ilikkarsinnaangikkukku imaluunniit kode toqqorsimatikkusukkukku isumannaatsumik toqqorsimassavat. Verified by Visa kode kortimut ilanngullugu tigummiassanngilat imaluunniit kortimut allassanngilat.

Verified by Visa kode allanut paasitissanngilat imaluunniit allatigut kode allanut paasitillugu. Verified by Visa kode't puigorsimagukku, GrønlandsBANKEN'ip nittartagaa aqqutigalugu nutaamik pilersitsisinnaavutit imaluunniit tulliani pisininnut atatillugu naqitassaq "glemt kode" ("kode puigorpara") naqinneratigut. Verified by Visa kodemut puigorsimasannut allatut iliuuseqaqqittariaqanngilatit.

4. Kortimik atuineq

Akiliineq imaluunniit aningaasanik tigusineq akuerinnginnerani tamatigut qulakkeertassavat aningaasat eqqortumik allassimanersut, soorlu pisiniarfinni terminalimi. Akiliutigisimasat akuerereersimasatit utertinneqarsinnaanngillat. Takukkilli immikkoortoq 6 aamma 7, akiliutinik utertitsisinaanermut periarfissat pillugit.

Korti ima iliorlutit atorsinnaavat:

- Chip atorlugu imaluunniit kajungerisaasaq kiisalu PIN-kode atorlugu
- Chip atorlugu imaluunniit kajungerisaasaq kiisalu atsiorneq atorlugu
- Kornummer atorlugu, ullup atorunnaarfissaa kiisalu kisitsisit nakkutilliissutit (internet-ikkut il.il.)
- Automatini nammineq sullissiffiusuni pin-kode-mik atuiffiunngitsuni chip imaluunniit kajungerisaasaq atorlugit

4.1 PIN-kode atorlugu

Kortit atorlugu PIN-kode toortaraangakku qulakkeertassavat allat kode-nnik marsinnginnissat.

4.2 Atsiorneq atorlugu

Uppernarsaat imaattoq atsiunngisaannassavat:

- aningaasat amerlassusaat allassimanngippata, imaluunniit
- aningaasat amerlassusaat kukkusumik allassimappata.

Pisiniarfiup kortinni aningaasanik amerlanerusunik ilanngaassinissaa akuerigikku, soorlu sullinneqarninni qaavatigut akiliutit, qulakkiissavat pisiniarfiup aningaasat tamakkiisut uppersaammut ilanngullugit tunniunnerai.

Korti soorlu biilnik attartornermut imaluunniit akunnittarfimmut inissarsininnut atorukku, nalinginnaasuvoq uppersaammut atsioqquneqarnissat, taamaalilluni attartortitsisoq imaluunniit akunnittarfik periarfissinneqassalluni kingusinnerusukkut aningaasanik qaavatigut ilanngaasinnaanissaanut. Eqqumaffigissavat, attartortitsisoq imaluunniit akunnittarfik taamaaliornikkut aningaasanik amerlanerusunik kontonit ilanngaasinnaanera, takuuk immikkoortoq 6.

4.3 Internet-ikkut il.il. pisiniarneq

Korti internet-ikkut pisiniarnermut atorukku, makku nalunaarutigissavatit; kortip normua, ulloq kortip atorunnaarfissaa, aamma kisitsisit uppersaatit. Visa-korti atorukku,

pisiniarfillu Verified by Visa-mut attaveqarpat, siuliani taaneqartut saniatigut Verified by Visa kodet ilanngullugu toortassavat.

Korti allakkerisarfikkut imaluunniit oqarasuaatikkut allatsitanut akiliutitut atorukku, makku nalunaarutigissavatit; kortip normua, ulloq kortip atorunnaarfissaa, aamma kisitsisit uppernarsaatit kiisalu ateq aamma najugaq. Allakkerisarfikkut allatitat akilerukkit inniminniinermi allagartaq aamma atsiussavat.

Internet-ikkut pisiniarmi imaluunniit allakkerisarfikkut imaluunniit oqarasuaatikkut allatsitanik pisinermut atatillugu PIN-kodet oqaatiginngisaannassavat.

Kortit atoraangakku kortip normu nalunaarutigingisaannassavat.

4.4 Automatit imminnut isumagisut PIN-kode-mik atuiffiunngitsut

Automatini imminnut isumagisuni korti atorsinnaavat PIN-kode toortartariaqarnagu imaluunniit atsiorneq atortariaqarnagu. Automatini taamaattuni nuussinerit akuerissavatit korti automatimut ikkukkaangakku, imaluunniit kingornatigut akuersineq toorukku.

4.5 Uppernarsaasiineq

Pisiniarnernut imaluunniit aningaasanik tigusinernut atatillugu tamatigut uppernarsaammik pinissat isumagisassavat. Uppernarsaammi ilaatigut takutinneqassapput ulloq, aningaasat amerlassusii aamma kortip normuata ilaa. Qulakkeertassavat aningaasat amerlassusii akiliinernut imaluunniit pisinernut amerlaqatigineraat im aluunniit ulloq eqqortoq allassimanersaq. Uppernarsaat toqqorsimassavat, aningaasat amerlassusii eqqortut kontonnit ilanngaatigineqarsimanersut misissoreernissaannut, takuuk immikkoortoq 5. Imaassinnaavoq automatini imminnut isumagisuni kisinermut atatillugu uppernarsaammik pinngitsoortutit.

4.6 Pisartagaqarneq

Ingerlaavartumik akiligassanik akiliininni kort normut atorsimagukku, soorlu naqitanik pisartagaqarnikkut, pisartagaq unitsinniarukku pisiniarfiup piunasaqaatai aalajangersimasut malillugit pinissaa isumagissavat. Korti imaluunniit kortip normua taarserukku pisiniarfik nammineerlutit attaveqarfigissavat, kortip nomua nutaaq nalunaarsortillugu.

18-it inorlugit ukioqaruit aningaaseriviup aningaasat ingerlaannartumik kontonnut utertissavai, aningaasat aningaasanik tiguisup utertissimangikkaluarpagilluunniit.

4.7 Immeraannerit aamma lotteri

Korti pisiniarfinni, soorlu immeraannernik sammisaqarnerusuni atorukku, soorlu ilaallutik kasino, lotteriinik tuniniaasartut, sukkanniullu unammiffinnut assigisaannullu, kortip atornissaa killilerneqarsinnaavoq.

Killilersuutit makkuusinnaapput:

- ullormut aningaasat amerlanerpaaffissaat, imaluunniit
- korti immeraannernut lotteri-nullu atorneqarsinnaangitsoq.

Tamakku pillugit paasissutissat GrønlandsBANKENimut saaffiginnillutit pissarsiarisinnaavatit.

18-it inorlugit ukioqaruit immeraannernut tamakkununga peqataasinnaangilatit.

5. Kontonnut inissiinernik misissuinerit

Kontonnut inissiisimanerit ingerlaavartumik misissornissaat pisussaaffigaat. Misissuininni nuussinerit uppersaatinut tulluutinnigitsut paasigukkit, imaluunniit nammineq isumagisimanagit isumaqarfigigukkit piaarnerpaamik GrønlandsBAKEN-imut saaffiginnissaatit. Tamatumunnga atatillugu piffissaliussat immikkoortoq 6 aamma 7-imi taaneqartut eqqumaffigissavatit.

Kontonni inissitsitsiinerit ingerlaavartumik misissornerinut atatillugu eqqumaffigissavat internetikkut imaluunniit allakkerisarfikkut imaluunniit oqarasuaatikkut allatsitanik pisinermut kortit atorsimagukku, pisiniarfiup aatsaat aningaasat ilanngaatisinnaammagit nioqqutissat nassiuereernerini. Assersuutigalugu timmisartumut bilitsinik imaluunniit tusarnaartitsinernut bilitsinik pisinermi angalanissamut inniminniisoqaannartoq imaluunniit tusarnaartitsinermut bilitsimik inniminniisoqaannartoq pisiniarfiup aningaasat ilanngaatigereertassammatigit.

6. Akiliutinik akuerereersimasanik utertitsinerit

6.1 Akuersinermi aningaasat amerlassusii ilisimasimangikkukkit.

Akiliinerup akuerinerani aningaasat amerlassusii ilisimasimangikkukkit, aningaasallu kontonni ilanngaatigineqartut naatsorsuutigisimasanillu amerlanerungaatsiarpata, akiliutigisimasavit utertinnissaannik piumasaqarsinnaavutit, assersuutigalugu tamanna pisinnaavoq biilinik attartornermut atatillugu imaluunniit akunnittarfimmut inissinnermi, akuerisimallugulu pisiniarfik kingusinnerusukku ilanngaateqarsinnaasoq, soorlu benziinamik orsiinermut atatillugu imaluunniit akunnittarfiup ineeraani imigissaarniarfimmit atuisimanernut.

Aningaasat kontonni ilanngaatigineqarnerannit kingusinnerpaamik sapaatit akunneri arfineq pingasut qaangiutinnginnerini GrønlandsBANKEN'imut saaffiginnissaatit, aningaasat amerlanerpaaffissaat akuerisimanagu aningaasanik utertitsiffigineqarnissat pillugu isumaqaruit.

6.2 Internetikkut, allakkerisarfikkut oqarasuaatikkullu allatitanik pisinermi

Kortit nioqqutissanik pisinermut atorsimagukku imaluunniit sullississutinik pisiniarmut

ima atorsimagukku:

- internetikkut pisinermi, imaluunniit
- allakkerisarfikkut imaluunniit oqarasuaatikkut aallatsitanik pisinikkut, imaluunniit
- PIN-kode atornagu automatini imminnut isumagisuni pisisimaguit

ima pisoqarsimappat akiliutivit utertinnissaannut pisinnaatitaavutit:

- pisiniarfik aningaasanik isumaqatigiissutigineqartunit amerlanerusunik ilanngaasimappat, imaluunniit
- nioqqutissaq/sullississut inniminniikkat nassiunneqarsimangippat, imaluunniit
- peqqissimasinnaassuseq isumaqatigiissutigineqarsimasoq imaluunniit inatsisitigut aalajangersarimasoq atorsimallugu nioqqutissaq/sullississut inniminnerneqarsimasoq tigunngitsoorsimallugu imaluunniit aanngitsoorsimallugu

Aallaqqaammut GrønlandsBANKEN-imut saaffiginnginninni ajornartorsiut pillugu pisiniarfik aqputigalugu iluarsinaqqaassavat. Uppernarsinnaassavat pisiniarfik attaveqarfisimallugu imaluunniit attaveqarfiniarsimagaluarlugu.

Piumasaqaataavoq aningaasat eqqunngitsumik kontonni ilanngaatigineqarsimasut paasiniariarlugu GrønlandsBANKEN'imut saaffigininnissat maalaarutigalugu, taamaammallu maalaaruteqarnissat kissaatigigit. Pissarsiassatut piumasaqaatissatit maluginerinit sapinngisannik ullut 14-it qaangiutinnginnerini GrønlandsBANKEN-imut maalaaruteqassaatit. Piffissaq eqqorlugu GrønlandsBANKEN'imut maalaaruteqarsimanerit nalilernerqarnerani kontonni inissiisimanerit ingerlaavartumik misissortarnissaannut pisussaaffiit pingaartinneqassaaq, tak. immikkoortoq 5.

Taamaalereeruit maalaarutit GrønlandsBANKEN'ip misissussavaa. Nalinginnaasumik misissuinerup nalaani aningaasat assortuussutigineqartut GrønlandsBANKENip kontonnut nuussavai. Maalaarutigisat tunngavissaqanngipat aningaasat GrønlandsBANKENip kontonnut utertissavai.

Peqqutissaqanngitsumik maalaaruteqarsimanerimi aningaasat konto-mut ikineqarnerannit aningaasallu tiguneqarsinnaangornerisa piffissamut akornanniittumut GrønlandsBANKEN erniaanik akileeqqusissaaq, kiisalu akiliinerimi uppernarsaammik pissarsiormerimi aningaasartuuteqartoqarsimappat, tak. akit allattorsimaffiat.

6.3 Akiliutigisimasani utertitsisinaanermut periarfissat pillugit paasissutissat allat

Pisuni aalajangersimasuni korti atorlugu akiliutigisimasatit utertinneqarsinnaassapput. Tamanna pillugu nittartakkami paasissutissat pissarsiarisinnaavatit; www.PBS.dk/kortholderindsigelser, imaluunniit GrønlandsBANKENimut saaffigininnikkut.

7. Akiliinerit illit akuerisimangisatit utertinnissaat

Kortit atorlugu akiliutigisimasaaq ataaseq arlalliluunniit akuerisimanagit imaluunniit pivisunngortissimanagit isumaqaruit, akuerineqarnani nuunneqarsimasut maluginiariarlugit piaarnerpaamik GrønlandsBANKEN'imut saaffiginnissaatit. Piffissaq

eqqorlugu GrønlandsBANKEN'imut maalaaruteqarsimanerit nalilerneqarnerani kontonni inissiisimanerit ingerlaavartumik misissortarnissaannut pisussaaffiit pingaartinneqassaaq, tak. immikkoortoq 5. Qanorluunniit pisoqaraluarpat aningaasat kontonni ilanngaatigineqareersimanerannit kingusinnerpaamik qaammatit 13-it qaangitinnginnerini GrønlandsBANKENimut saaffiginnissaatit.

Taamaalereeruit maalaarutit GrønlandsBANKEN'ip misissussavaa. Nalinginnaasumik misissuinerup nalaani aningaasat assortuussutigineqartut GrønlandsBANKENip kontonnut nuussavai. Maalaarutigisat tunngavissaqanngipat aningaasat GrønlandsBANKENip kontonnut utertissavai. Misissuinerup takutippagu korti allat tunngavissaqanngitsumik atorsimagaat, akisussaaffik ilinnut GrønlandsBANKENip tunniussinnaavaa, tak. immikkoortoq 9.

Peqqutissaqanngitsumik maalaaruteqarsimanerimi aningaasat konto-mut ikineqarnerannit aningaasallu tiguneqarsinnaangornerisa piffissamut akornanniittumut GrønlandsBANKEN erniaanik akilleqqusissaaq, kiisalu akiliinerimi uppersaammik pissarsiornermi aningaasartuuteqartoqarsimappat, tak. akit allattorsimaffiat.

8. Kortip matutinnissaanut illit pisussaaffitit

Ima pisimasoqartillugu sapinngisamik piaarnerpaamik GrønlandsBANKEN attaveqarfigissavat:

- kortit katassimagukku, imaluunniit
- pinkodet inuup allat ilisimalersimappagu, imaluunniit
- korti atornerlunneqarsimasoq paasigukku, imaluunniit
- kortit assileneqarsimasoq pasitsaassiguit, imaluunniit
- korti atornerlunneqarsinnaasooq allatigut pasitsaassaqaruit.

Verified by Visa kode't puigorsimagukku kortit matutissanngilat. Pasitsaassiguit inuit allat Verified by Visa kode't allanit ilisimaneqalersimasoq, ingerlannartumik kode allannortissavat GrønlandsBANKENip nittartagaa aqutigalugu.

GrønlandsBANKEN'ip ammasarfiisa avataanni PBS attaveqarfigissavat oqarasuaat +45 44 89 29 29, ulloq unnuarlu kaajallallugit akisartooq. PBS'imut saaffiginninnermi korti ingerlaannartumik matutinnissaanut nalunaarutigineqassapput ateq aamma najugaq, aningaaseriviup immikkoortortaasa arlaanni konto isumagineqarnerisooq, periarfissaqarpallu kortip normua, kontonummer imaluunniit CPR-normu.

PBS-imut saaffiginninnermi aamma telefax atorsinnaavat (telefax +45 44 68 11 36).

Korti matuneqareerpat allakkatigut nalunaarfigineqassaatit kortip matuneranut peqqutaasumik imalik aamma matunerani piffissaq.

Kortip matuneqarsimasooq nassaareqqinneqarpat GrønlandsBANKEN attaveqarfigissavat, qanorlu iliortoqarnissaa pillugu isumaqatigiissuteqarfigalugit.

9. Kortip atornerlunneqarnerani illit akisussaaffitit

Korti inummit allamit atornerlunneqarsimappat, annaasaqaatit GrønlandsBANKENip matussusissavai, annaasaqaatit ataani immikkoortuni 9.1 – 9.6-imi ilaatinneqanngippata.

9.1 Korti aamma pinkode inummit allamit atornerlunneqarsimappat annaasaqaatit 1.100 kr. angullugit matussusissavatit.

9.2 Korti inummit allamit atornerlunneqarsimappat aamma PIN-kode atornerlunneqarsimappat annaasaqaatit 8.000 kr. angullugit matussusissavatit, kiisalu ima pisoqarsimappat

- kortip tammarsimanera imaluunniit atuisussaangitsup kode paasisimagaa paasiniariarlugu sapinngisamik piaarnerapaamik GrønlandsBANKEN'imut nalunaarutigisimangikkukku
- kode kortimik atornerluisumut tunniussimagukku, atornerluisumut aarlerinaateqartoq paasisimanagu imaluunniit paasereersimasussaagualarlu imaluunniit
- illit nammineerlutit annertuumik mianersuaalliorsimanikkut atornerluisissaq periarfississimagukku.

9.3 Allat pisusnaanatik kortimik atuisimanerisa malitsigisaannik annaasat 8.000 kr. angullugit matussusissavatit, kode isit atorlugit imaluunniit elektroniskiusumik takullugu paasineqarsimappat, tamatumunngalu atatillugu pisusnaanani atornerluisup atsiorneq salloqittaat atorsimappagu, aamma

- illit, allaluunniit kortimik tunisat, kortip tammarsimanera paasiniariarlugu kortimik suliarinnittoq piaarnerpaamik nalunaarfigisimangikkukku/ -ppagu, imaluunniit
- illit, allaluunniit kortimik tunisat, annertuumik mianersuaalliorsimanikkut atornerluisup periarfissinneqarsimappat

9.4 Akiliinissamut akisussaaffiit katinnerini 8.000 kr. sinnersinnaanngilaat, naak immikkoortut 9.2 aamma 9.3 malillugit akisussaaffeqaraluaruilluunniit.

9.5 Ima pisoqarsimatillugu atornerluisumut atatillugu PIN-kode atornerlunneqarsimappat annaasaqaatit tamaasa akisussaaffigissavatit:

- Kortimik atornerluisumut PIN-kode nammineerlutit ilisimatitsissutigisimagukku, atornerluisumullu aarlerinaatit pasitaassimagukku imaluunniit pasitsaateersimasussaagualarlu.

9.6 Taamattaq annaasaqaatit tamakkiisut akisussaaffigissavatit, nammineerlutit peqquserlunnikkut imaluunniit ilisimareerlu PIN-kode-vit isertuunnissaanut pisussaaffitit eqquutsinngitsoorsimagukkit, tak. immikkoortoq 4, imaluunniit kortip matuneqarnissaa, tak. immikkoortoq 8.

9.7 Kortip matuneqarnissaa pillugu GrønlandsBANKEN'ip nalunaarfigineqareernerani annaasaqaatit pilersimasut illit akisussaaffinngilatit. Taamattaq annaasaqaatit akisussaaffigissanngilatit GrønlandsBANKEN'imi pissutsit peqqutugalugit kortivit matuneqarnissaanut periarfissaqarsimangikkuit.

9.8 18-it inorlugit ukioqaruit kortivit allanit atornerlunneqarsimanerannut akisussaaffiit inuit imminnut akisussaangitsut pillugit inatsisip malittarisassai kiisalu inuit imminnut akisussaangitsut pillugit taarsiinissamut piumasaqaatit pillugit malittarisassat malillugit nalilersorneqassaaq. Tamatuma kingunerisaanik nammineq akisussaannermut malittarisassani 1.100 kr. taaneqartut atussanngillat, kiisalu akiliissutaasartut ilaat pillugit inatsimmi malittarisassat taamaallaat atorsinnaassapput ilinnut iluaqutaassappata.

10.GrønlandsBANKEN'ip pisinnaatitaaffii aamma akisussaaffii

10.1 GrønlandsBANKEN'ip kortimik matusinissamut pisinnaatitaaffia

Ima pisoqarsimatillugu kortip atornerqarnera GrønlandsBANKEN matusinissamut pisinnaatitaaffeqarpoq:

- konto kortinnut atasoq atorunnaarsimappat, imaluunniit
- malittarisassanik atornerluiguit, soorlu kontop imai kortimut attuumassuteqartut sipporsimagukkit,
- korti allamit atornerlunneqarsimappat imaluunniit atornerlunneqartutut ilimasunneqarpat.

Kontop imarisai sipporsimagukkit kortip matuneqannginnerani allakkatigut nukingisaarneqassaatit. Taamaattorli ingerlaannartumik matusineq pisinnaavoq immikkut amerlavallaanik aamma/imaluunniit uteqqiattumik kontop imai sipporneqarsimappata.

Taamattaaq GrønlandsBANKEN'ip kortit kontomut tunniunneqarsimasut tamaasa utertinneqarnissat piumasarisinnaavaa.

10.2 Korti GrønlandsBANKEN'ip matoreerpagu, tamanna pillugu nalunaarfigineqassaatit, matusinermut peqqutaasut piffissarlu pillugit nalunaaruteqarnikkut.

10.3 Kortimik taarsiineq

GrønlandsBANKEN kortimik taarsiinissaminut qaqugukkulluunniit pisinnaatitaavoq

10.4 GrønlandsBANKENip taarsiinissamut akisussaaffii

GrønlandsBANKEN taarsiinissamut akisussaaffeqarpoq, kukkunerit imaluunniit sumiginnaanikkut isumaqatigiissutit kingusinaartumik imaluunniit amigaateqartumik naammassineqarpat.

Allaat sammisaqarfinni akisussaaffiit sakortunermik malittarisassaqaarfiusut atuuffiini, makku peqqutaatillugit GrønlandsBANKEN annaasaqaatinut akisussaaffeqanngilaq:

- IT-kut suleriaatsini ajutoornerni/iserfiginnissinnaannginnerni imaluunniit suleriaatsini taakkunanani paasissutissat ajortissimanerini, ataani taaneqartunut peqquteqarsinnaappata, GrønlandsBANKEN nammineq imaluunniit avataanit

sullissisut suleriaatsinik ingerlatsisuugaluarpataluunniit.

- GrønlandsBANKENip innaallagissamik pilersorneqarnerata ajutoornera imaluunniit attaveqatigiinnermi ajutoorneq, inatsisitigut akuliunnerit imaluunniit ingerlatsinikkut iliuuseqarfiginninnerit, pinngortitami ajutoorujussuarnerit, sorsunneq, pikitsitsineq, innuttaasut eqqissiviilliornerat, aseruinerit, pinerliinerit imaluunniit aserorterinerit (soorlu qarasaasiatigut ajoqusiinerit imaluunniit unioqqutitsilluni qarasaasianut iserfiginninnerit)
- sulumajunnaarnerit, suliffeqarfimmik mattussinerit imaluunniit suliffeqarfimmik assersuinerit, aaqqiagiinnginnerit GrønlandsBANKENimut tutsinneqaraluarpata imaluunniit aallartinneqaraluarpata, imaluunniit taassuma aqunneqarneranut, aaqqiagiinnginnerillu sunik peqquteqaraluarpataluunniit. Tamannattaq atuuppoq aaqqiagiinnginnerup GrønlandsBANKENip ilaannaaluunniit eqqorneqaraluarpat.
- pissutsit allat GrønlandsBANKENip aqussinnaanngisai peqqutaappata.

Ima pisoqartillugu GrønlandsBANKEN'ip akisussaaffeqarnera atuutissanngilaq:

- Pissutsit isumaqatigiissutip isumaqatigiissutigineqarnerani annaasaqarnissamut peqqutaasinnaasut GrønlandsBANKENip ilimagereersimasinnaappagit, imaluunniit annaasaqarnissamut peqqutaasinnaasut pinngitsoortissinnaasimagaluarpagit imaluunniit qaangersimasinnaagaluarpagit.
- qanorluunniit pisoqaraluarpat pissutsit annaasaqarnermut peqqutaasut inatsisit malillugit GrønlandsBANKENip akisussaaffigisai.

10.5 Sulinermi isumaqatigiinnginnerit

GrønlandsBANKEN-ip aamma/imaluunniit GrønlandsBANKENip paasisutissatigut qitiuffia sulinermi isumaqatigiinnginnernut akuliussimappata korti Danmarkimi atorsinnaanngilat. Taamatut isumaqatigiinnginnerup aallartinna qaangiunneralu pillugit piaarnerpaamik ilisimatinneqassaait, ilaatigut aviisitigut ullormut saqqummersartutigut nalunaarutiginnikkut.

GrønlandsBANKENip paasisutissatigut qitiuffia ataaseq arlallillunniit aamma/imaluunniit GrønlandsBANKENip nunani tamani suleqatigisaa ataaseq arlallillunniit sulinermi isumaqatigiinnginnermut akuliuppata kortip Danmarkip avataani atorsinnaanera naatsorsuutigisinnaanngilat. Danmarkip avataaniinnaq sulinerne isumaqatigiinnginnerne korti Danmarkimi sulit atorineqarsinnaavoq.

10.6 Kukkunerit aamma amigaatit

Kukkunerit amigaatillu il.il. pisiniarfinni sullissisuni pilersimasut GrønlandsBANKEN'ip akisussaaffinngilai. Sullinneqarnermi kukkunerit amigaatillu pillugit maalaaruteqarnerit pisiniarfimmut saaffiginnissutaassapput.

11. Atorunnaartitsineq

Visa Electron ukiunut pingasunut atuuttussatut tunniunneqartarpoq. Kortimi allassimasoq malillugu atorunnaarfissaa tikillugu atorneqarsinnaavoq, tamatuma kingorna atorsinnaajunnaartarluni. Kortip atorunnaarfissaa sioqqullugu kortimik nutaamik nassinneqassaatit imaluunniit korti nutaaq GrønlandsBANKEN-imut aaneqarsinnaasoq ilisimatinneqassaatit.

Kortip atornera taamaaterusukkukku korti GrønlandsBANKEN-imut utertissavat. Konto atorunnaarsinneqarpat, kortit konto-mut attuumassuteqartut tamaasa utertinneqassapput.

Korti GrønlandsBANKEN-imut nassitutissagukku atoqqinneqarsinnaajunnaarlugu qiussavat.

12. Taamaatitsineq

GrønlandsBANKEN qaammatinik marlunnik sioqqutsisumik kalerriilluni isumaqatigiissut atorunnaarsinnaavaa. Taamaatitsineqarpat aningaasat sullinneqarnermut kortip atorneqarneranut siumut akilisimasinnaasatit naammaginartumik amerlassusilerlugit ilinnut utertinneqassapput.

Isumaqatigiissut qaammatit arfinillit iluanni taamaatikkukku GrønlandsBANKEN isumaqatigiissutip atorunnaarsinneranut atatillugu akiliummik akileeqqusisinnaavoq, tak. GrønlandsBANKENip akinut nalunaarsuutaa.

Illit imaluunniit GrønlandsBANKENip isumaqatigiissut taamaatippagu, korti GrønlandsBANKENimut utertissavat. Korti allakkerisarfikkut nassinneqassappat nassutinnginnerani tioreerneqassaaq.

13. Malittarisassanik allanngortitsineq

Atuisartunut malittarisassat akillu nalunaarsorsimaffiat ilinnut iluaqutaanngitsut allanngortinneqassappata qaammatinik marlunnik sioqqutsisumik pisinnaapput. Allanngortitsinerit pillugit allakkatigut imaluunniit qarasaasiakkut ilinnut nalunaarutigineqassapput. Najukkavit imaluunniit e-mailadresep allanngortissimanageri GrønlandsBANKENimut nalunaarutiginnissaat nammineerlutit pisussaaffigaatit, e-mail imaluunniit najukkavit allanngortissimanageri pillugit nalunaarutigisimannikkukkit allannguutit pillugit nalunaarutinik pissarsisimannikkuit nammineq akisussaaffigissavat.

Malittarisassat allanngortinneqarneri akuerineqartutut isigineqassapput, allunnguinerit atuutilernissaata ulluata nalliutinnginnerani GrønlandsBANKEN nalunaarfiginngikkukku malittarisassanut nutaanut pituttorsimanissat kissaatigineqagu.

Malittarisassanut nutaanut pitussorsimanissat kissaatiginagu nalunaaruit, isumaqatigiissut atorunnaartutut isigineqassaaq malittarisassat nutaat atuutilernerisa ulluannit aallarnertumik. Sullinneqarnermi akiliut ukiumut ataatsimut siumut akilersimagukku, akiliutivit ilaat naammaginartut utertinneqarumaarput.

14. Maalaaruteqartarneq

Maalaarutissaqaruit GrønlandsBANKEN-imut saaffiginnissinnaavutit. Maalaarutigisatit isumaqatigineqanngippata uunga saaffiginnissaatit; Atuisut Maalaaruteqartarfiat, Postboks 689, 3900 Nuuk

Kortivit matuneqarsimanera pillugu maalaarutearusukkuit GrønlandsBANKEN-imut saaffiginnissaatit. Maalaarutigisat GrønlandsBANKEN-imi isumaqatigineqanngippat Datatilsynet-imut maalaaruteqarsinnaavutit

15. Atuisartunut malittarisassat naqinneri nutaat

Atuisartunut malittarisassat tammarukkit imaluunniit naqinneqarnerinik nutaanik pisariaqartitsiguit, GrønlandsBANKENip nuttartaagaani takusinnaavatit imaluunniit GrønlandsBANKENimut saaffiginnillutit pissarsiarisinnaavatit.

16. Sullinneqarnermut akiliutit

16.1 GrønlandsBANKENip akiliutigittagai

Kortimik atuinermi ukiumoortumik siumut akiliisitsineqarsinnaavoq. Sullinneqarnermut akiliut konto-mit ilanngaatigineqassaaq, tak. GrønlandsBANKENip akinut allattorsimaffia.

Kortimik atuinermut ukiumoortumik akiliut, kortip atorneranut sullinneqarnermut akiliut, immaqalu konto-mut akiliut, kontop assilineranut akiliutit kiisalu akiligassap assilineranut akiliut il.il. akit nalunaarsorfianni takuneqarsinnaapput.

16.2 Kortimik atuinermut akiliut

Kortimik atuinermi aningaaseriviit aamma pisiniarfiit sullinneqarnermi akiliutinik akileeqqusissinnaapput. Danskit pisiniarfii akiliiffigineqartut sullinneqarnermut akiliutinik kortimik atuininni ilinnit akileeqqusisut, akiliinerup pinnginnerani tamanna ilinnut ilisimatitsissutigissavaat.

16.3 Nunani allani atuinermi aningaasat nalingi naatsorsorneri

Nunani allani pisinermi aningaasanillu tigusinermi danskit krooninut naatsorsuineqartarpoq, tak. akit allattorsimaffiat, danskillu aningaasaat najoqqutaralugit tamatigut akiliisoqartartussaalluni.

Aningaasat naatsorneqarneranni periutsit akit allattorsimaffianniitut atorneqassapput, tak. akit allattorsimaffianni immikkoortoq "aningaasat nalinginut najoqqutassat". Aningaasat nalinginut najoqqutassat taaneqarsimasut akit allattorsimaffianniitutt allanngortinneqarnerat siumut kallerriutigineqaaqqaarnatik atuutilissapput.

Nunat allamiut aningaasaasa nalingi kortip atorneranit aningaasat kontonnit ilanngaatigineqarnissaasa tungaannut allanngortinneqarsinnaasarput. Taamattaaq nunani allani, Europap avataaniunerusartuni, aningaasat nalingi pisortatigoortuusut arlaliusinnaapput, apeqqutaasarluni aningaasat nalingi pillugit sumut paasiniaasoqarsimanersoq.

16.4 Nunani allani pisiniarfinni aningaasanik tigusineq

Nunani allani korti atorukku, akiliineq pisinnagu pisiniarfiup neqeroorfigisinnaavaatit nunat allamiut aningaasaannik naatsorsuinissamut. Tamanna akueritinnagu pisiniarfiup ilisimatissavaatit sullissinermi akiliutit suut aamma aningaasat nalingi suut pisiniarfiup naatsorsuinermini atorniarnera. Eqqumaffigissavat aningaasat nalingat pisiniarfiup atorniagaa aningaasat nalingini GrønlandsBANKENip atortagaanit allaanerusoq, taamaammallu nunat allamiut aningaasaannik naatsorsuinermini pisiniarfiup atugaa GrønlandsBANKENip sunniuteqarfigisinnaanngijlaa.

17. Kortimik qinnuteqartunik naliliisarneq

Inuit ataasiakkaarlugit immikkut nalilersuereernernikkut kortimik tunniussineqartarpoq. Inuit checkinik kortinillu atornerluisartut aningaaseriviit nalunaarsuutaanni allassimasut itigartinneqarnissaannut GrønlandsBANKEN pisussaaffeqarpoq.

18. Paasissutissanik atuineq, toqqorsimatitsineq aamma ingerlatitseqqittarneq

18.1 Kortimik atuinermi nalunaarsuineq

Kortimik atuinermi ilaatigut kortip normua, aningaasat amerlassusii, kortip atornerani ulloq, kiisalu korti sumi atorneqarsimanersoq nalunaarsorneqartarput. Paasissutissat pisiniarfiup akiliiffigisap GrønlandsBANKEN-imut ingeriateqqittarpai.

Paasissutissat pisiniarfiup akiliiffigisami, akiliiffigisap aningaaseriviani/PBS-imi aamma GrønlandsBANKEN-imi toqqortarineqartarput. Paasissutissat aningaaseriviit naatsorsuinerini, kontop assilinerani kiisalu kingusinnerusukku kukkunernik iluarsisoqassagaluarpat atorneqartarput.

Paasissutissat taamaallaat ingerlateqqinneqarsinnaapput inatsisitigut piunasaqaatigineqarpat imaluunniit kortimik atornerluinissaq pinngitsoortinniarlugu. Paasissutissat ukiuni tallimani malittuni toqqortarineqartarput.

18.2 Checkinik kortinillu atornerluisartut pillugit aningaaseriviit nalunaarsuiffiat

Akuerineqaqqaarnani kontop imaanik sippuinerit peqqutigalugit GrønlandsBANKEN'ip

konto matusariaqarpagu, paasissutissat makku ilanngullugit checkinik kortinillu atonerluisartut pillugit aningaaseriviit nalunaarsuiffiannut nalunaarutigineqassaait; inuup normua (CPR-nr.), atuutissalluni piffissap nalunaarsuiffiusup aallartinneranit ukiuni marlunni.

19. Nakkutillineq

Aningaaserivik uunga akisussaaffeqarluni nakkutigisaavoq; Finanstilsynet-ip nakkutiginninnera, aningaaserivittut PI-tut nalunaarsorneqarluni, nalunaarsornermi normoralugu 6471.

20. Oqaatsinut nassuiaatit

Ullut aningaaserivileriffiit: Ullut tamaasa, makku pinnagit; arfininngornerit, sapaatit aamma sapaassuit, Qilaliarfiup kingorna tallimanngorneq, ulloq inatsisitaarfik, juulliaraq aamma 31. december.

Dynamic currency conversion: Pisiniarfiit ilaannit atorneqartarpoq, taamaalilluni nunani allani danskit kroniat atorlugu akiliisinnaallutit. Pisiniarfiup aningaasat allanngortinnerini naatsorsuineq isumagisarpaa, aningaasallu nalingi naatsorsuinnermut atorneqartut GrønlandsBANKENip siunniuteqarfigisinnaangilai.

Akiliinermik tiguisoq: Pisiniarfiit, akunnittarfiit, neriniartarfiit suulluunniit allallu Visa Electronimik akiliinermik tiguisut.

Uppernarsaat: Akiliineq pillugu paasissutissat, pappilianngorlugit imaluunniit qarasaasiakkut tunniunneqartut.

Aningaasat nalinginut najoqqutassaq: Aningaasanik nunat allamiut aningaasaannik allanngortitsinnermi nunat allamiut aningaasat atorlugit akiliinerni danskit kroniinut naatsorsuinnermi atorneqartartoq.

Verified By Visa: Verified by Visa internet-ikkut pisiniarnerni kortimi paasissutissat atonerlunneqarnissaannut akiuiniarluni immikkut illersuutaasoq. Internet-ikkut piniarinissamut Verified by Visa'p atunnginnerani PBS aqqutigalugu Verified by Visa-mut kode pilerseqqaartussaavat.

Verified By Visa Kode: Kode tassaavoq Verified by Visa-mut atatillugu pilersinneqartartoq. Siunissami internet-ikkut pisiniarnerni pisiniarfinni Verified by Visa-mik atuisuni kode atorneqassaaq.

Visa Electron:

Korti uninngasuutini nakkutilliinertalimmik akiitsuutaasinnaasoq, aningaasanik tigusiinermi akiliinernilu atorneqarsinnaasoq, Danmarkimi nunanilu allani atorneqarsinnaasoq.

PBS:

PBS A/S – selskabi aningaaseriviit sinnerlugit suleriaatsimik Visa Electron-imi allaffissornikkut aqutsisuusoq.

Visa International:

Kattuffik suleriaatsimut Visa-mut malittarisassanik nunarsuaq tamakkerlugu atuuttussanik aalajangersaasartoq.

PIN-kode:

Kode inummut tunngasoq kortimut atatillugu tunniunneqartoq.

Akit allattorsimaffiat:

Sullinneqarnermi akiliutit il.il. akiinut allattorsimaffik qaqugukkulluunniit atuuttoq.

Danmark:

Danmark, Savalimmiut aamma Kalaallit Nunaat.

Nunat allat:

Nunarsuup sinnera.

Suliarinnittoq

Aningaaserivik kortimik Visa Electron-imik inniminniiffigisimasat.

**Namineersinnaangitsunik nakkutiginnineq pillugu inatsimmit
tigulaarinnineq (LBK nr. 1015, 20. august 2007-imeersoq):**

§ 1. Meeqqat inuusuttullu 18-it inorlugit ukiullit katissimanngitsullu ukjukitsuupput taamaattumillu aamma namineersinnaanatik. Inuusuttulli 1 8-it inorlugit ukiullit katissimasut ukiukitsuupput taamaattumilu namineersinnaanatik, tamanna pillugu naalagaaffimmi amtip katinnissamut akuersissuteqarnerani atugassarititaasunik aalajangersaasimappat.

Imm. 2 Allamik aalajangiisoqarsimatinnagu ukjukitsut eqqartuussivilersuussinerni imminnut pisussaaffilersinnaangillat aningaasaatitilluunniit oqartussaaffigisinnaanagit,

Imm. 3 Immikkut ittumik allatut aalajangiisoqarsimatinnagu aningaasanut tunngassuteqartuni namineersinnaangitsunik nakkutiginnittut ukiukitsut sinnerlugit iliuuseqartassapput,

§ 42. Namineersinnaangitsut tullinnguuttut makku oqartussaaffigaat:

1) 15-ileereernermik kingorna imaluunniit eqqartuussivilersuussinnaanerminnik arsaarneqarnermik kingorna namminneq sulinerikkut pissarsiarisimasatik, 2) Tunissutisiatik namminneq oqartussaaffigisatik imaluunniit kingornussassanik aalajangersakkanit kingornussatik, 3) § 25, Imm. 3 malillugu nakkutiginnitsimik imminnut tunniussai.

Imm. 2 Oqartussaaff iginninnerni pissarsianit isertitat aamma taakkununga taarsiussat ilaatinneqarpat. Taamaattorli tamanna akiitsorsinnaatitsinngilaq.

Imm. 3 Namineersinnaangitsumik nakkutiginnittup naalagaaffimmi amti akuersisimatillugu namineersinnaangitsumut iluaqutaasutut pisariaqartinneqarpat namineersinnaangitsoq oqartussaaffiarsinnaavaa.

Inatsip oqaasertai tamakkiisut uanni takuneqarsinnaapput www.retsinformation.dk